

JAMHURI YA MUUNGANO WA TANZANIA
TAASISI YA KUZUIA NA KUPAMBANA NA RUSHWA



S.L.P 42325
SimuNambali: 022 2850633
Nukushi: 022 2850635
Barua pepe: rbctemeke@pccb.go.tz
Wavuti: www.pccb.go.tz

TEMEKE – MEI, 2022

**TAKUKURU TEMEKE YAFANYA UFATILIAJI WA MIRADI YENYE
THAMANI YA SHILINGI BILIONI MOJA MILIONI MIA NNE**

UTANGULIZI

Ndugu wanahabari,

Taasisi ya Kuzuia na Kupambana na Rushwa (**TAKUKURU**) Mkoa wa Temeke tumeendelea kutekeleza majukumu yetu kama yalivyoainishwa katika Sheria ya Kuzuia na Kupambana na Rushwa, namba 11 ya Mwaka 2007. Katika kipindi cha miezi mitatu yaani kuanzia tarehe **1/01/2022** hadi **31/03/2022**, TAKUKURU Mkoa wa Temeke tumeweza kufanya kazi mbalimbali kama ifuatavyo; -

UZUIAJI RUSHWA.

Mojawapo ya majukumu ya TAKUKURU ni kufuatilia matumizi ya fedha za umma katika utekelezaji wa Miradi ya Maendeleo (PETS). Lengo kuu la ufuatiliaji huu ni kuhakikisha miradi inatekelezwa kwa kiwango kinachotakiwa kwa uwiano wa thamani ya fedha inapatikana kwa kuzuia mianya ya rushwa na upotevu wa rasilimali katika utekelezaji wake.

Katika kipindi hiki tumefanya ufuatiliaji wa miradi ya maendeleo mitano (5) ya utekelezaji wa Ujenzi wa Barabara mbalimbali katika Halmashauri ya Temeke, ambayo ni matengenezo ya barabara ya Mvomero, Ngomano na Keko Machungwa za Jimbo la Temeke, zenyе għarama ya Tsh. 477,052,367/=, Barabara ya Jeshini –Kizuiani yenye għarama ya Tsh. 165,704,740/= na barabara ya Machinjoni za Jimbo la Mbagala zenyе għarama ya Tsh. 307,588,300/=.

Ujenzi wa Barabara za Tungi, Mjimwema na Upendo yenye għarama ya Tsh. 467, 752,466.40 na Ujenzi wa Bweni katika Shule ya Msingi Chekenimwasonga yenye għarama ya Tsh.80, 000,000/= katika Halmashauri ya Kigamboni. Miradi hii ina thamani ya jumla ya shilingi Bilioni moja milioni mia nne tisini na saba, tisini na saba elfu, mia nane sabini na tatu na senti sabini na tatu (TShs 1,497, 097,873.73).

Kazi hii ya uzuiaji rushwa kama ilivyo kwa kazi zingine imfanyika wilayani Kigamboni na Mkoani Temeke. Aidha katika miradi iliyofanyiwa ufuatiliaji, miradi iliyobainika kuwa na mapungufu inafanyiwa ufuatiliaji wa karibu na kuwashauri watekelezaji wa miradi hiyo. baadhi ya mapungufu hayo ni kama, ucheleweshaji wa utekelezaji wa mradi, ucheleweshaji wa malipo ya mkandarasi, kwa mfano matengenezo ya barabara ya jeshini - kizuiani 1.15km. Aidha, Mkataba wa matengenezo ya barabara ya Machinjoni ulisainiwa tarehe 22/9/2021 na mkandarasi alikabidhiwa kazi tarehe 26/10/2021 na kazi rasmi ilianza tarehe 2/11/2021 na kutarajiwka kumalizika tarehe 1/4/2022 lakini mpaka ufuatiliaji huu unafanyika kazi ilikuwa imekamilika kwa 60% tu. Hivyo TAKUKURU ilwashauri watendaji kutekeleza na kukamilisha miradi hiyo kwa wakati ili kufikia lengo lililokusudiwa la kuanzishwa kwa miradi hiyo.

Changamoto.

Katika ufuatiliaji wa miradi changamoto mbalimbali hasa katika utekelezaji wa miradi zimejitokeza.

- **Katika barabara Jeshini kizuiiani (1.15km) kuna** Mwananchi amejenga ukuta wa uzio ndani ya hifadhi ya barabara amekataa kupisha mradi kwa madai kuwa anatakiwa kulipwa fidia ya ukuta huo.
- Mabadiliko ya hali hewa, barabara zinzojengwa kwa kiwango cha changarawe mara nyingi huharibika mvua zinaponyesha, hivyo inakuwa haina ubora.
- Kukosekana kwa bajeti ya kuondoa miundombinu mingine kama nguzo za umeme. Hivyo kusababisha mradi kusimama Mfano ujenzi wa barabara ya Tungi. Hakukuwa na bajeti ya kuondoa nguzo za umeme barabarani, baada ya kuongea na TANESCO nao wakasema hawakuwa na bajeti ya kuondoa nguzo. Hivyo mradi ulisimama mpaka miundombinu hiyo iondolewe.

USHIRIKIANO NA WADAU MBALIMBALI.

Ndugu wana habari,

Katika kipindi hiki tumeendelea kushirikiana na wadau mbalimbali katika mapambano dhidi ya rushwa kama ifuatavyo: -

- Tumeendelea na mpango wa kuwashirikisha vijana wa Skauti Tanzania katika mapambano dhidi ya rushwa kwa kuwaelimisha katika misingi ya Uadilifu, uwajibikaji na uzalendo kupitia mkakati wa Pamoja wa TAKUKURU na Chama cha Skauti Tanzania (TAKUSKA).
- Tumeendelea kuimarisha ushirikiano na kundi la vijana hasa wanafunzi wa shule za Msingi, Sekondari na Vyeo kwa njia ya kuimarisha Klabu za wapinga rushwa mashulenii.

- Katika kipindi hiki tumeendelea kushirikiana na idara na ofisi mbalimbali za umma, ikiwemo mahakama katika kuadhimishwa wiki ya sheria nchini ambapo elimu ya mapambano dhidi ya rushwa ilitolewa kwa wananchi waliotembelea banda letu na baadhi ya kero zilitatuliwa. Hii ni pamoja na madhimisho ya siku ya wanawake duniani mkoa wa Dar es salaam yaliyofanyika katika viwanja vya Uhuru.

UCHUNGUZI

Ndugu wanahabari,

Jumla ya mashauri kumi na tisa (19) yanaendelea kusikilizwa mahakamani mkoani Temeke, aidha katika kipindi hiki hakukuwa na kesi mpya iliyofunguliwa wala kuamuliwa.

Malalamiko sabini na tano (**75**) yalipokelewa. Kati ya malalamiko hayo, malalamiko arobaini na tisa (**49**) yalihu rushwa na malalamiko ishirini na sita (**26**) yalikuwa ni malalamiko yasiyohusu rushwa. Kati ya Malalamiko ishirini na sita (**26**) ambayo hayakuhusu rushwa, malalamiko ishirini (**20**) watoa taarifa wake walielimishwa na kushauriwa na malalamiko sita (**6**) yalihamishiwa idara nyingine. Malalamiko arobaini na tisa (**49**) yaliyohusu rushwa, uchunguzi umeanzishwa ambapo kati yake – majalada tisa (**9**) uchunguzi wake umekamilika, majalada kumi (**10**) yamefungwa kwa kukosa ushahidi na majalada thelathini (**30**), uchunguzi wake bado unaendelea.

Aidha Idara zinazolalamikiwa kutokana na taarifa zilizopokelewa ni kama ifuatavyo: - Taarifa **28** ni kutoka Halmashauri ya Manispaa ya Temeke pamoja na Kigamboni. Maeneo yanayolalamikiwa kupitia taarifa hizi 28 yanahu sekta ya Afya 4, Elimu 8, Ardhi 10, na Watendaji wa Kata 6. Taarifa zingine **47** zilihusu ACCES BANK 1, ALLIANCE INSUARANCE 1, CRDB 1, BANDARI 2, Watu binafsi 15, TOL 1, DAWASA 2, TBC 2, Polisi 7, PSSF 1, TANESCO 2, TRA 3, Ifakara Heathly Institute 4, Mahakama 2, TIPPER 1, NHIF 1 na Maliasili 1

UELIMISHAJI UMMA

Ndugu wanahabari,

Katika kuhakikisha elimu ya mapambano dhidi ya rushwa inawafikia watu wengi, TAKUKURU mkoa wa Temeke imekuwa ikitoa elimu kwa wananchi kwa kutumia njia mbalimbali hususani kupitia.

- **Semina:** Tumekuwa tukielimisha umma kupitia semina na tumekuwa tukifanya na kushiriki semina katika ofisi za umma na binafsi. Katika kipindi cha miezi mitatu tumeweza kufanya **semina tisa (9)**.
- **Mikutano ya hadhara:** Njia hii imekuwa ikitusaidia katika uelimishaji ikiwa ni pamoja na kutumia utaratibu wa **TAKUKURU INAYOTEMBEA** ambapo tumekuwa tukiwafuata wananchi na kutoa elimu katika maeneo mbalimbali kama Masoko, Magilio, Zahanati na vituo vya afya pamoja na Vituo vya mabasi (Stendi). Kupitia utaratibu huu tumeweza kufanya **mikutano ya hadhara mitano (5)**.
- **Kushiriki maonesho:** Tumekuwa tukishiriki katika maonyesho mbalimbali hasa katika vituo vya afya pamoja na ya magulioni na kuweza kufikisha ujumbe wetu ambapo tumeweza kushiriki **maonesho miwili (2)** katika kipindi cha miezi mitatu.
- Kuelimisha jamii kupitia uandishi wa makala (1) zenyе maudhui ya kukemea vitendo vya Rushwa.
- Kuimarisha klabu za wapinga rushwa **kumi (10)** na kuwajengea wanafunzi uwezo wa kutoa elimu kwa wanafunzi wenzao, kuichukia rushwa na kuwa jasiri katika kutoa taarifa zinazohusu vitendo vya rushwa.

VIPAUMBELE KWA KIPINDI CHA APRILI – JUNI, 2022

Ndugu wanahabari,

Pamoja na utekezaji wa majukumu yetu ya kawaida pia tumejiwekea malengo ya kutekeleza vipaumbele vifuatavyo: -

- Kuongeza kasi ya ufuatiliaji wa miradi ya maendeleo ili kuziba mianya hasa katika Ujenzi wa miradi ya maendeleo ambapo Serikali imekuwa ikitoa fedha nyingi.
- Kufuatilia vitendo vya rushwa kwa viongozi na wanachama kuelekea Uchaguzi Mkuu wa CCM na jumuiya zake kwa mwaka 2022
- Chunguzi za fedha za ndani za manispaa hususani tumejipanga kuongeza kasi katika kufatilia ubadhilifu katika makusanyo ya fedha za ndani za Halmashari kupitia utaratibu wa POS, pamoja na kufanya chunguzi katika miradi ya Ujenzi wa Madarasa, Afya, Miundo mbinu ya Maji na matumizi 10%, fedha ambazo Serikali hurudisha katika Halmashauri kwa ajili ya kusaidia makundi ya Vijana, wanawake na watu wenye ulemavu.

HITIMISHO

Ndugu wanahabari,

Mapambano dhidi ya rushwa ni ya kila mwana Temeke, hivyo ili kuufanya Mkao wa Temeke kuwa sehemu nzuri ya kuishi isiyokuwa na rushwa ni wajibu wa kila mmoja wetu kushiriki kikamilifu katika mapambano haya. Hivyo ninawaomba wana Temeke wote tuendeleee kuunganisha nguvu zetu kwa pamoja na tuwe mstari wa mbele katika kupambana na rushwa na tuendeleee kutoa taarifa za vitendo vya rushwa.

Imetolewa na: -

**JOSEPH H. MAKUNGU
MKUU WA TAKUKURU (M)
Simu: 0738 15023**